

Nunaqavissut Suliffiutillit Kattuffiata

aamma

Sulinermik Inuussutissarsiuteqartut Kattuffiata



Sulisut sinniisaat pillugit

Isumaqatigiissutaat
2006 - 2009

§ 1

Isumaqatigiissummi pineqartoq

Sulisut sinniisoqarnerannik aaqqissuussineq, Nunaqavissut Suliffiutillit Kattuffiata aamma Sulinermik Inuussutissarsiateqartut Kattuffiata akornanni isumaqatigiissutaat malillugit akisarsiaqartinneqarlutik sulisunut tamanut atuuppoq.

§ 2

Aaqqissuussaamera.

Immikkoortoqarfinni tamani, Nunaqavissut Suliffiutilli Kattuffiata aamma Sulinermik Inuussutissarsiateqartut Kattuffiata akornanni isumaqatigiissutit malillugit, ikinnerpaamik tallimanik sulisulinni, sulisut sinniisaannik qinersisoqarsinnaavoq.

Imm. 2. Piffinni suliffinni suliffinnut arlalinnut immikkoortitersimatillugu, immikkoortoqarfinnut imaluunniit sulianut assigiinngitsunut, sulisut sinniisissaannik qinersisoqarnissaanik isumaqatigiissuteqartoqartassaaq, suliffiup immikkoortuinut ataasiakkaanut, immikkoortoqarfinnut sulianullu assigiinngitsunut immikkoortunut atuuttussamik, taamaalilluni sulisut sinniisoqarnerannik siunertaq piffimmilu pisariaqartitat naammas-sineqarsinnaaqqullugit.

Imm. 3. Illoqarfimmi / nunaqarfimmi tallimanik ikinnerusunik sulisoqarsimappat, sulisut sinniisaannik aaqqissuussinerup atuutsinneqarnissaa pillugu isumaqatigiissuteqartoqarsinnaavoq.

Imm. 4. Taamaattoqarnissaa sulisunit kissaatigineqarpat, isumaqatigiissut naapertorlugu sulisunut tamanut atuuttussamik, sulisut sinniisaannik ataatsimik qinersisoqarsinnaavoq.

Imm. 5. Illoqarfimmi/nunaqarfimmi sulisut arlalinnik sinniisoqarpata, sulisut sinniisaat akunnerminni ataatsimut sinniisussaminnik qinersisinnaapput, apeqqutini tamanut attuumassuteqartuni, sulisut tamarmiusut sinniisorisassaannik.

§ 3

Sulisut sinniisaannik qinersineq

Sulisut sinniisaat, § 2 imm. 1-mi taaneqartumi sulisunit qernerqartoq, SIK-p piffimmi immikkoortorta qarfianut, SIK-mullu attaveqartumut, ilaasortaassaaq. Sulisut sinniisaat, sulisut pikkorissutut nalilikkat akornanni, suliffeqarfimmilu qaammatini arfinilinni qaangiuttuni sulisimasut akornanni qernerqartassaaq.

Imm. 2. Sulisut sinniisaannik qinersineq, piffimmi SIK-p immikkoortorta qarfiani siulersuisunut nalunaarutigineqassaaq. Qinersineq atortussaatinneqarsinnaanngilaq, piffimmi SIK-p siulersuisui akuersissuteqaqqaartinnagit aammalu sulisitsisut allakkatigut nalunaaruteqartoqarsimatinnagu. Sulisut sinniisaannik qinersineq pissuteqartumik suli akerlilerneqassappat, sulisitsisoq pisinnaatitaavoq, qinersineq piffimmi SIK-p immikkoortoqarfiata siulersuisuinut SIK-llu siulersuisoqarfianut naammagittaalliutigissallugu.

§ 4
Suleqatigiinneq

Sulisut sinniisaat sulisitsisoq suleqatigalugu pisussaavoq, sapinngisaminik pisinnaasanilu naapertorlugit sulinermi pissutsit eqqissisimanartuunissaat, aalaakkaasuunissaat pitsaasuunissaallu saqqumisumik anguniassallugit. Taamatuttaaq Sulisitsisoq pisussaataivoq.

§ 5
Sulisut sinniisaattut sulineq

Naammagittaalliutitut, isumaqatigiinninnernut aammalu ajornartorsiutit isumaqatigiissutitut tunngasuusimappata, isumaqatigiissitsiniarnissamut sulisut sinniisaat pisussaataivoq, ilaati-gut makkununga tunngasunik: Piffissap suliffiusussap inissisimamera, nerinermi qasuersaar-nermilu uninngaffiusartussat, taakkualu inissisimameri, sulinngiffeqarnissap pilersaarusiorne-qarnera, nakkutilliinissamik isumaginninnisat, sullivimmi isumannaallisaanissamut tunngasu-nik aaqqissuussinerit, isumaqatigiissutitut paasinnissinnaanermik ajornartorsiutit, eqqiluisaar-nermut, kiisalu akkord-ernermi aningaasarsiasat pillugit isumaqatiginninniarnertit.

Tamakuupput pineqartunut attuumassuteqartut sulisitsisullu akornanni toqqaannartumik isu-maqatigiissutaasinnaanngippata, sulisut sinniisaata sulisitsisumut isumaqatigiinniutissai. Suli-assarlu taanna ingerlanneqassaaq, apeqqutip sulisitsisumiit imaluunniit suleqatiniit, sulisut sinniisaannut apuunneqarnera apeqqutaatinnagu. Isumaqatiginninniarnertit taakkunanilu angus-at, illuatungeriinnit malinneqartussanik imaqaarniliorneqassapput.

Imm. 2. Sulisut sinniisaat piffimmilu Nunaqavissut Suliffiutillit Kattuffiata sinnisuutitaa, isu-maqatigiissutit atuuttuni alajangersarneqarsimasut allanngortillugit isumaqatigiinniutigini-saannut pisinnaatitaanngillat.

Imm. 3. Sulisut sinniisaata Nunaqavissut Suliffiutillit Kattuffiata isumaqatigiinniutigisinnaa-sai, sulinermi pissutsinut isumaqatiginninniarnifigisinnaasaanut killilerneqarput. Sulisut sinnii-saat pisussaavoq sulisitsisumiit suliassiissutigineqartup suliarinissaanut, suliarinnittussap inuunini avatinilu navianartorsiortinnagit suliarisinnaanera misissussallugu. Ulorianartunik sulineqassatillugu, assersuutigalugu akuutissanik toqunartortalinnik, umiarsuit tanki-nik tan-keqarfinnillu il.il tankinik saliinermi, sulisut sinniisaat suliassamillu taamatut ittumik suli-arinnittussaq, suliassaq aallartitsinngagu ilisimatinneqassapput.

Imm. 4. Suliffeqarfimmi nutaanik sulilersoqartillugu, taakkualu sulilersinnagit, suliffeqarfim-mik aammalu suliart suunerinik paasititsinissaminut kiisalu suleqatigiligassaannik ilisarititsis-salluni, sulisut sinniisaat pisussaavoq.

Imm. 5. Sulisut sinniisaat, sulisut sinniisaata suliassaanut pisariaqartinneq naapertorlugu aam-malu illersorneqarsinnaasumik piffissamik atuiffigissvaa, suliffeqarfiup angissusia tassanilu pissutsit atuuttut aalajangiisuutillugit.

Imm. 6. Immikkoortuni arlalinnik sulisunut sinniisoqarfiusuni, Nunaqavissut Suliffiutillit Pe-qatigiiffiisa SIK-llu immikkoortortaqaqfiata toqqaannartumik isumaqatigiinniarnereerisigut, piffissap suliffiusup affaa angullugu, aningaasarsiaminillu annaasaqaatiginagu, ataatsimoorus-samik sulisut sinniisaat suliffiup iluani avataanilu suliarnik ingerlatsinissaminut periarfissa-qarpoq.

Imm. 7. Immikkoortuni ataatsimoorussamik sulisunut sinniisoqarfiumngitsuni, sulisut sinniisaata sulinermini pissutsit atugassai, Sulisitsisut aammalu piffimmi SIK-p immikkoortortaqarfiani siulersuisut akornanni isumaqatigiissutigineqartassapput.

Imm. 8. Sulisut, sulisitsisup imaluunniit sulisut sinniisaata kissaateqarneratigut ataatsimiittoqartarsinnaavoq. Sulisut sulisullu sinniisaata akornanni ataatsimiinnerit, sulisut sinniisaata sulisut sinniisaattut sulinissaanut piffissarititaasup iluanni ingerlanneqartassapput.

Imm. 9. Sulisut sinniisaasa ataatsimiinneri suliffiup nalaani kisiannili sulliviup avataani pisut, aammalu piffimmi SIK-p immikkoortortaqarfiata aaqquissuussai, akissarsiat pigiinnarlugit suliffimmik qimagusimanissamik pisinnaatitsiffiupput. Taamaattoqassatilluguli sapinngisamik piffissaagallartillugu aammalu siusinaartumik, tamanna Sulisitsisoq isumaqatigiissutigineqassaaq. Tassanngaannarli ataatsimiigiaqqusineqarsimappat sulisut sinniisaata isumaqatigiissuteqarnissaminut angumeqquffigisinnaannngisaanik, suliffimmik qimagusimanissi pillugu piffissaq siullerpaaq atorlugu, sulisut sinniisaat sulisitsisumut ilisimatitsissaaq. Paatsuungassutaa-sinnaasoqassagaluarpallu SIK-p qullersaqarfia, Nunaqavissut Suliffiutillit Kattuffiallu attaveqarfialugun isumaqatigiinniarnertigut aaqquissuussaaq.

Imm. 10. § 4 malillugu apeqqutit tamaasa tatigeqatigiilluni suleqatigiinnikkut aaqquinniarnissaannut illuatungeriit tamarmik pisussaapput. Isumaqatigittoqarsinnaannngippalli sulisut sinniisaat piffimmi SIK-p immikkoortortaqarfianut ikioqqulluni saaffiginnissinnaavoq. Taamaalior-toqarpallu piffimmi SIK-p immikkoortortaqarfia Nunaqavissut Suliffiutillit Peqatiiffiisa isumaqatigiinnialissapput. Tassanilu aamma isumaqatigiittoqarsinnaannngippat suliaq ingerlateqqinneqarsinnaavoq, SIK-p Nunaqavissut Suliffiutillit Kattuffiallu pingaarnertut isumaqatigiissutaat malillugu suliarineqartussanngorlugu.

Imm. 11. Sulisut sinniisaata suliffimmi ilaasortat soqutigisaasa suliarineqartarnissaat pisussaaffigaa. Sulisut sinniisaat sapinngisani tamaat, tatigeqatigiilluni suleqatigiinnermik ingerlaannartitsiniartussaavoq. Sulisut sinniisaata suleqatigiinnissamullu ataatsimiisitaliap – suliffeqarfik taamaattoqarpat – suliffeqarfimmi isumaqatigiissutitigut aalajangersakkanik tamat paasinnilluarnissannut suleqataanissaq pingaartitarissavaat, aammalu taakkua malinneqarnissaat pisussaaffigalugu suleqataaffigisussaallugu.

§ 6

Sulisut sinniisaattut suliaqarunnaarneq

Sulisut sinniisaannik soraarsitsinermi, pissutissaqavinneq tunngavigineqassaaq, sulisitsisorlu pisussaavoq, sulisunut nalinginnaasunut naleqqiullugu, sulisut sinniisaat soraarsitaaneranik sap. akunnerinik qulaaluanik siusinaarnerusumik nalunaarfigissallugu.

Imm. 2. Sulisut sinniisaata sulinera, soraarsitsinermik piffissap ilisimatitsiffiusup iluani nalinginnaasumik unitsinneqarsinnaannngilaq, aamma taamaatut pisoqartinnagu, soraarsitsinerup eqqortuuneranik akerleriissutit suliarineqartarnerat malillugu suliarinninnissaminut, SIK periarfissinneqaaqqaarsimassaaq. Akerleriissutillu suliarineqartarnerat malillugu, sapinngisamik suliap piaartumik suliarineqarnissaa anguniartariaqarpoq, taamaalilluni soraarsitsinermik piffissaq sulii naanngitsoq aalajangiisoqarsinnaaqullugu.

Imm. 3. Akerleriissutit suliarineqartarnerat malillugu suliarineqareeluni soraarsitsineq eqqungitsuuinneqaraluartoq, sulisitsisup sulisut sinniisaannik soraarsitsinini aalajangiisumaannasappagu, piffissap soraarsitsinermik ilisimatitsiffiusup nalaani aningaasarsiaqartitsinermi sani-

atigut, taarsiissutinik sulisitsisoq akiliuteqartussaataitaavoq, pissutsit atuuttut tunngavigalugit annertussusilerneqartussanik, taamaattorli sap. akunneri 13-it sinnernagit aammalu qaammati-
ni kingullerni pingasuni sulisut sinniisaata agguaqatigiissillugu isertitarisimasai tunngavigalu-
git naatsorsorneqartussanik.

Imm. 4. Sulisut sinniisaata soraarsitaanerata eqqortuunera pillugu apeqqut aammalu taarsiis-
suteqartoqassappat, taakkua annertussusissaat akerleriissutit suliarineqartarnerat malillugu aa-
lajangersarneqassapput.

Imm. 5. Sulisut sinniisaat qaqugukkulluunniit taamatut suliaqarnerminiit tunuarsinnaavoq,
tamannalu piffimmi SIK-p immikkoortortaarfianut allakkatigut nalunaaruteqarnikkut pis-
saaq, taassumallu sulisut sinniisaata tunuarsimaneranik Nunavissut Suliffiutillit Kattuffiat
ilisimatissallugu pisussaaffigaa.

Imm. 6. Sulisunut sinniisuutitaqarfiusumi, sulisut affaasa sinneqartut sulisut sinniisaannik
tatiginnikkunnaarnertik nalunaarutigippassuk, sulisut sinniisaat emiinnaartumik tunuasaq.

Imm. 7. Sulisunut sinniisuutitaqarfiusumi sulisut tallimaannngorsimappata, taakkunanga-
lunniit ikinnerulerlutik, aammalu § 2 imm. 3 naapertorlugu illuatungeriit isumaqatigiissute-
qarsimangippata, sulisunut sinniisup, taamatullu atuunna unissapput.

§ 7

Piffissaq isumaqatigiissutip atuuffia

Isumaqatigiissut una 1. april 2006 atuutilerpoq.

Imm. 2. Isumaqatigiissut qaammatinik pingasunik sioqqutsilluni 31. martsimut illuatungeriin-
nit atorunnaarsinneqarsinnaavoq, siusinnerpaamilli 31. marts 2009-mi, aammalu nalinginnaa-
sumik aningaasarsianut isumaqatigiissutip atorunnaarsinneqarnera peqatigitillugu.

§ 8

Atsiornerit

Isumaqatigiissut qulaani pineqartoq isumaqatigiissutigineqarpoq, SIK-p siulersuisuuneqarfia-
ni aammalu Nunaqavissut Suliffiutillit Kattuffiata siulersuisuinit akuerineqarnissaa naatsor-
suutigalugu.

Sulinermik Inuussutissarsiuteqartut
Kattuffiat.

Nunaqavissut Suliffiutillit Kattuffiat.

23.05.06

Ulloq

Jess G. Berthelsen
Siulittaasoq

23/5-06

Ulloq

Gerth Lyng
Siulittaasoq.

